



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput XI. Gregorius IX. (a) Episcopo Pictaviensi.

[urn:nbn:de:hbz:466:1-74533](#)

C A P U T X I.

Gregorius IX. (a) Episcopo Pictaviensi.

Jordanæ mulieris petitio continebat, quod laicus cum ipsa, quæ nondum decimum ætatis suæ annum compleverat, per verba de futuro contraxit, & eā intra ejusdem anni (b) spatiū carnaliter (c) cognitā, matrem ipsius sibi matrimonialiter copulare, & ad damnatæ commixtionis amplexus procedere non expavit. Et infra: Quare præfata I. supplicavit, ut cūm carnis stimulis resistere nequeat; sibi ne jure suo sine (d) sua propria culpa fraudetur, providere salubriter dignaremur. Eapropter mandamus, quatenus, si res ita se habet, utrumque ipsorum ad votivam perpetuam continentiam attēntē moncas, & inducas; & si ad eam induci nequiverint, memoratam I. injuncta ei primitus pro commissso incestu pœnitentiā competenti, ut eidem cohabitet, & conjugale debitum reddat exactus, ecclesiasticā censurā compellas.

N O T A E.

(a) *Pictaviensi.*] Guillelmo videlicet quarto huius nominis. De diœcesi Pictaviensi egi in cap. super, 20. dere script.

(b) *Anni spatiū.* Quia malitia solet supplere æstatem, ut probavi in cap. 3. de sponsal.

(c) *Cognita.*] Unde sponsalia transferant in matrimonium de præsenti, quod jure communī præsumptum dicebatur, ut probavi in cap. à nobis, de spons.

(d) *Sine culpa.*] Obstat Concil. Mogunt. celebratum sub Rabano can. 24. quod extat apud Burchardum lib. 6. Decreti, cap. 7. Ivonem p. 10. c. 126. Ant. August. in epist. lib. 35. tit. I. cap. 29 in illis verbis: *Qui presbyterum occidi, duodecim annorum ei pœnitentia secundum statuta Priorum imponatur; aut si negaverit, si liber est, cum duodecim iure, &c. convictus vero noxa usque ad ultimum vitæ tempus militare cingulum deponat, & uxorem amittat.* Ex quibus aperte constat, ob culpam tantum mariti uxorem illum amittere, divortiumque fieri. Pro cuius canonis expositione dicendum est, illa verba, *uxorem amittat, accipienda esse, idest uxori non accipiat, ut notavit Ant. Augustini. dicit. iii. 1. cap. 29.* Quare dum apud Gratianum reperitur textus ille *sub causa 17. q. 4.* leguntur loco illorum verborum, *uxorem amittat; talia, absqueesse conjugii maneat.* Etiam obstat textus in cap. perlarm 29. q. 2. ubi maritus ut divortium ab uxore faceret, alterius servituti se mancipavit: ergo quia propter factum mariti uxori sine culpa sua conjugii usu privatur. Sed respondet in ejus textus specie, maritum existimasse propter servitutem, cui sponte se tradebat, divortium sequi; sed falso & perperam, ut in eo texu docetur, & exponit Basil. Legion. de matrim. lib. 7. cap. 45.

C O M M E N T A R I U M.

2. *Conclusio traditur, & probatur.* IN his omnibus decisionibus una ferè, eadem que traditur doctrina; quare sub unico commentario eas exponere decrevi. Sit conclusio: *Affinitas superveniens non dissolvit matrimonium contractum, sed tantum sponsalia de futuro.* Probant eam textus in cap. 2. de consanguin. & affin. cap. litteris, de testibus, cap. 4. de de spons. impub. c. veniens, de regul. c. qui dormierit, c. concubiniisti 32.

D.D. Gonzal, in Decretal. Tom. IV.

q. 5. cap. 2. 4. & 5. hoc titul. in I. collect. quorum verba retuli supra in cap. discretionem. Alex. III. post Concil. Lateran. p. 12. cap. 1. ibi: *Sanè si aliquam uxoris sua consanguineam, qua illi in tertio gradie, vel deinceps contingat, carnali commixtionis cognoverit, non est propter id divortium inter eos celebrandum, sed delinquenti est secundum qualitatem persona & criminis pœnitentia imponenda.* Et p. 6. cap. 15. Illustrans ultra congestos a Barbosa in præsenti, Petrus Greg. lib. 4. partit. tit. 14. cap. 5. Sanchez de matrim. lib. 9. disp. 27. & 31. Basili. eodem tract. lib. 6. cap. 13. & lib. 9. cap. 3. num. 17. & lib. 10. cap. 7. Anguinus de legibus lib. 4. cap. 4. Roussellius lib. 1. hystor. Pontif. jurisdict. cap. 5. num. 9. Vigil. in method. juris can. fol. 461. Bossius de effectibus matrim. cap. 5. per totum.

Sed pro dubitandi ratione in præsentem assertiōnem ita insurgo. Peccatum incestus commissi cum consanguinea conjugis, ea est juxta sacros Canones, ut incestuosi conjugio priventur, omnique careant spe conjugii, ut probavi in c. 1. hoc titul. Igitur cognoscens consanguineam uxoris suæ, ipso matrimonio privari debet, præcipue cum veniat ad casum, à quo incipere non poterat, argumento legis si panam 68. l. pluribus 140. §. ult. ff. de verb. obl. §. 2. Inst. de iniur. stipul. quod agnoscentes PP. Conciliorum Aquisgran. & Metensis Gallie, declararunt Lotharium Regem à vinculo matrimonii cum Theutbergi contracti liberum, eo quod illam post matrimonium se Lotharii fratri dicenter commisuisse. Augetur hæc dubitandi ratio ex c. 2. hoc titul. ubi expressè Alex. III. Pictaviensi Episcopo rescriptit, matrimonium ratum, non consummatum, per supervenientem affinitatem ita dissolvi, ut uxori licet vivente priore marito alium accipere. Ergo quia matrimonium jam celebratum per supervenientem affinitatem dissolvitur.

Quæ dubitandi ratione ita fulcitæ non obstante, vera est præfens assertio; pro cuius ex. De affinitate scindendum est, in præsenti titulo agi de ^{ta te ex co-} impedimento naturalis cognitionis cuius nomi- ^{na la illici-} na affinitas etiam comprehenditur, cap. lex divid. 14. na 27. q. 2. c. quod autem 35. q. 2. & Aristotel. lib. 2. Polit. cap. 3. promiscue accepit cognitionem ex sanguine, vel affinitate; sicut è converso affinitas aliquando accipitur pro cognitione, ut in cap. 1. 35. quæst. 2. l. sancimus 22. Cod. de panis. Hoc

Q

Hæc autem affinitas naturalis duplex est, alia quæ ex copula licita maritali affectu habita nascitur, de qua agemus in cap. quod supra 5. de consanguine. & affin alia quæ ex copula illicita, concubinaria, vel etiam incestuosa oritur. Hæc autem secunda jure civili non fuit cognita, quia eo jure attento affinitas non oriebatur, nisi ex justis nuptiis, l. non facile, s. sciendum, ff. de gradibus: non autem nascetur ex nuptiis interdictis, d. l. 4. s. affines ff. de gradibus, vel ex publico contubernio, l. adoptivus 14. s. idem tamen, ff. de ritu nupt. Et licet in l. liberi 4. C. de nuptiis, prohibetur liberis in uxorem accipere concubinam patris, non id prohibetur, quia illicitum, sed quia in honestum, cùm in nuptiis quod honestum est, spectetur, l. semper ff. de ritu nupt. quare fœdam & irreligiosam dixit Imperator Alex. hujusmodi conjunctionem, quia contra pudorem est filium eam ducere in uxorem, quæ in contubernio patris fuit, ut docuit Corrasius lib. 1. miscel. cap. 3. jure vero canonico attento, ex quolibet coitu intra, vel extra nuptias habito, publico, vel furtivo, affinitas nascitur, cap. neque eam, 35. q. 3. & in omnibus capitulis hujus tituli docetur.

S.
De affinitate superveniente.
De impedimento naturalis cognitionis, hoc est affinitatis, non antecedente nuptias, de qua agemus in cap. i. cap. quod super de consanguine. & affin. sed eas subseque, & superveniente matrimonio, vel sponsalibus jam contractis. Et primò docetur, hujusmodi affinitatem, eti notoria sit, nullam vim habere dissolvendi matrimonium, irritare tamen sponsalia de futuro; privari autem conjugem incestuosum facultate petendi debitum, & contrahendi matrimonium cum alia, defuncta prima uxore; quæ pena communitis est omnibus incestuosis, ut probavi in cap. i. hoc titul. & in hac parte abrogata est ab Innocentio III. in cap. discretionem 6. hoc titul. vetus distinctio Alexandri, & Urbani III. inter publicum, & occultum incestum, & inter gradus remotos, vel proximos. Hoc autem procedit in eo, qui sciens, prudensque incestum commisit secus verò si per ignorantiam, veluti si cum sorore conjugis, vel cum alia consanguinea, quam putabat esse uxorem propriam, concubuisse, juxta textum in c. in lectum 34. q. 1. & hæc ignorantia per iuramentum probanda est, d. c. in lectum, cùm enim delicta astimentur ex animo & proposito delinquentis, cap. cùm voluntate 34. de sentent. excomm. l. qui injuria 53. ff. de furis, merito ignorantia excusationem meretur, cap. 2. de cognat spirit. Hodie etiam postquam per Concil. Trid. sess. 24. de reform. matr. c. 4. restricti sunt gradus affinitatis, tantum impedimentum hoc nascitur ex copula incestuosa habitu intra illos gradus, intra quos affinitas durat. Unde queri solet, utrum si conjux copulam habuerit cum consanguinea conjuncta uxori suæ intra tertium vel quartum gradum, sibique in eodem gradu affini, impeditur à debiti conjugalis petitione? cùm certum sit incestus crimen impedimentum afferre ad debiti petitionem, ex iuribus suprà adductis: quare videtur idem esse dicendum in hoc casu. Accedit, quia Concil. Trident. in d. c. 4. dum sustulit impedimentum contrahendi matrimonium ultra secundum gradum, nullam mentionem fecit de impedimento petendi debitum; quare in hac parte standum est antiquæ juris dispositioni, juxta textum in l. commodissimo 10. ff. de liberis & postib. Quibus rationibus

ita: incepit olim reddebat hæc quæstio, ut sepius agitata in sacra Penitentiaria, definita non fuisset, ut refert Navarrus lib. 4. consil. ad tit. de consanguine, consil. 6. n. 4. Sed contraria sententia prior est, scilicet etiam in hoc casu jus communne sublatum esse, incestumque commissum ultra secundum gradum affinitatis, minimè debiti exactiōem impeditre; nam dum Concil. Trid. in d. cap. 4. ex copula illicita affinitatem ultra secundum gradum non produxit, satis innuit nec debitum cessare; nec ad rem pertinet, quod in contrarium expendebamus; nam respondendum est, Trident. in affinitate restringenda circa matrimonium plus concessisse, quare multò magis id quod minus est, videlicet usus matrimonii, non denegavit, ex regula Cui licet, de reg. jur. in 6. Deinde pro hac sententia expendi potest Pij V. declaratio, qui dum simpliciter, ac generaliter ait, nullam oriri affinitatem matrimonio obstantem, satis ex vi dictio negativa nulla, ostendit, nec usum matrimonii impediendum: & ita dictum fuisse, ex Aldano refers Barbosa in d. cap. 4. Concilii, n. 5. & tenerunt Basil. de matrim. lib. 7. cap. 33. num. 6. Sanchez eod. tract. lib. 9. diff. 27. num. 14. Et in hoc impedimento ex affinitate superveniente posse Episcopum dispensare; immo & regulares ex delegatione suorum provincialium, latè probat Leander tom. 2. de matrim. diff. 24. q. 15. & 16. Ex hoc etiam incestu jure communni oriebatur impedimentum impediens matrimonium, cap. 1. 2. & 4. hoc titul. cap. si quis cum duabus 34. q. 1. de quo agunt Sanchez, Basilius, Leander & alii de impedimentis impeditibus agentes; sed jam cessavit hoc impedimentum, ut alia similiter consuetudine legitimè præscripta abrogata fuerunt.

Quibus ita animadversis, jam appetet vera ratio 6. praesentis assertionis; ideo per hanc affinitatem supervenientem non dissolvitur matrimonium, quia ob nullam causam supervenientem matrimonium legitimè contractum potest dissolvi, ut probavi in cap. dilectus, de spons. cap. 2. de cognat. spirit. nec quoad thorum, quia alterius conjugis iniqüitas alteri innocentiam damnofa esse non debet, contra regulam textus in l. non debet, ff. de reg. jur. transcriptam in cap. non debet, eod. tit. in 6. secus tamen est in sponsalibus de futuro contractis, quæ per affinitatem supervenientem ipso jure dissolvuntur, quia cùm sponsus affinis fiat sponsa, propter commixtionem corporum cum ipsius consanguinea, & sic affinitas inter eos oritur, quæ matrimonium non admittit, necesse est ut sponsalia, quæ futuri matrimonii causâ contrahuntur, ipso jure irritentur, l. oratio 16. ff. de spons.

Nec obstat dubitandi ratio suprà adducta, nam ex ea tantum deducitur, conjugem incestuosam debere privari facultate petendi debitum, ut puniatur in eo, in quo deliquit, c. litteras, detemp. ordin. non tamen, ut propter ejus factum uxori jure proprio privetur, & multò minùs, ut vinculum matrimonii per se indissoluble dissolvi posset. Nec intereat, quod pervenerit ad eum casum, à quo incipere non poterat, nam matrimonium sustinetur, eti pervenerit ad casum, in quo contrahi non poterat, ut de furore superveniente probavi in c. dilectus, de spons. & de cognitione spirituali inter conjuges superveniente, in c. 2. de cognat. spirituali. Nec obstat augmentum difficultatis deductum ex dictis Concilii Aquisgran. & Metensi; nam ea potius

Tit. XIII. De eo qui cognovit, &c.

18;

potius Conciliabula, quam Concilia fuerunt; unde ea condemnavit Nicol. I. in Concilio Romæ celebrato, ut referunt Baronius tom. 8. anno 683, Coriolanus in summa Concil. eod. anno, qui utriusque Synodi historiam tradunt. Difficilior est textus in d. c. 2. hoc tit. nam eti illum de sponsalibus de futuro acceperint Panorm. & exteri antiquiores ibi, quos sequitur Canisius ibi, eorum interpretatione facile convincitur ex illis verbis integris ipsius textus: *Quod cum quandam uxorem duxisset, quidam diffuerunt ei per mensem quod eam duxerat, carnaliter cognoscere.* Et postea: *Transacto vero mense, tam pater, quam alii propinqui coegerunt, ut matrimonium cum sponsa sua consummaret.* Igitur matrimonium contractum quidem erat, non tamen consummatum. Deinde ibidem habent: *Tu igitur inquisitioni taliter respondemus, quod si occultum esset huiusmodi peccatum, non posset rescindere matrimonium, quod publicè contraxisse.* Ergo de matrimonio valido, & jam contracto agebat Pontifex, non de sponsalibus rescindendis. Rursus ibidem dicitur: *Imponenda est paenitentia major, quam de adulterio.* Ergo adulterium commissum est simul cum incestu, & ideo major paenitentia imponitur: ergo & matrimonium contractum erat, alias non esset adulterium. Nec te moveant postrema illa ejus capituli verba: *Ceterum si sponsam cognoverit antequam matrem, vel post, nunquam poterit eam, vel aliam in uxorem accipere.* Hoc enim ideo dicitur, non quia matrimonium non esset, sed quia consummato jam matrimonio, ob affinitatem, vel praecedentem consummationem, vel supervenientem consummationi, non licebat uti conjugio, ut recte exponit Canisius loco citato. Quare Cujacius ibi, & Basilius de matrim. lib. 6. c. 13. & lib. 9. cap. 3. textum illum acceperunt de matrimonio ratio, & existimant Pontificem ibi non agere de dissolutione matrimonii contracti, sed de usu, & coabitatione; itaque docere, quod si crimen occultum est, non separantur, non solum quoad vinculum, verum nec quoad thorum; si autem publicum erat, quia cognovit matrem sponsæ, non autem sponsam ipsam, cum eo dispensetur, ut possit aliam in uxorem ducere, sponsa vide licet defuncta: si vero cognovit etiam sponsam, careat omni spe conjugii. Sed eti subtilis sit hæc interpretatio, tamen litteræ textus non congruit; siquidem dum Alex. docet dispensandum esse cum marito, ut aliam uxorem accipiatis, nullam facit mentionem mortis prioris conjugis. Quare his omissois verius credo, Alexandrum III, in eo textu dispensasse, ut soluto matrimonio ratio possit sponsus aliud inire, quia juxta sententiam probabiliorum Pontificum potest matrimonium ratum irritare, ut defendant Scotus in 4. diff. 31. q. 1. Paludanus, Almainus, & alii Theologici apud Patrem Sanchez lib. 2. de matr. diff. 14. & 19. Araujo in diff. moral. tract. 2. q. 19. n. 74. & ita textum in d. cap. 2. accepit le Gaufre in parat. ad hunc titul.

8.
Exponitur
cap. de in-
cestis 35.
q. 3. ubi Julius Pontifex agens de
incestuofis peccantibus, & paenitentiam cum ca-
techumenis agencibus, ait se illas incestuofas con-
junctiones prohibere, ita ut que haec tenus statuta
sunt, non dissolvantur. Ergo matrimonia ab in-
cestuofis contracta, nec quoad thorum, seu coha-
bitationem dissolvuntur. Tandem in fine ipsius

D. D. Gonzal. in Decretal. Tom. IV.

textus ait Pontifex; *His quibus illicita conjugia negantur, concedi meliora conjugia.* Ex quibus verbis deducitur, incestuofis, quibus usus matrimonii jam contracti, propter supervenientem affinitatem negatur, concedi aliud matrimonium contrahere. Igitur quia propter incestum adeò matrimonium dissolvitur, ut liceat novum inire. Primæ difficultati respondendum est, illa verba, quæ sunt haec tenus statuta, non esse referenda ad matrimonia incestuofa, seu ab incestuofis contracta, sed ad Ecclesia statuta jam circa poenam incestuoforum facta, quæ nullo modo convellere, aut mutare intendebat Julius, sed potius firmare. Secundæ difficultati respondendum est, ea verba esse accipienda de matrimoniis contractis ante incestum commisum, vel postea, cum ex dispensatione illis conceditur matrimonium contrahere: quæ interpretatio facile colligitur ex littera ipsius textus, prout habetur in Concil. Agathenisi can. 61. & in cap. hoc 2. 35. q. 8. & in Concil. Turon. 2. can. 22. & in addit. ad capitul. cap. 200. ubi ita legitur: *Sed quibus illicita con- junctio interdicitur, nisi hi sunt, quos Sanctorum patrum decreta conjugio copulari prohibent, ha- bebunt in eundi meioris conjugii libertatem.* Et ita verba illa sunt referenda ad eos, quibus prohibitum non est defunctis uxoribus cum aliis matrimonium contrahere.

Secundò supra traditis obstat textus in can. 41. 9.
Concil. Tribur. in illis verbis: *Si quis legitimam Exponitur duxerit uxorem, & impidente quacumque dñe. can. 41. stica infirmitate, uxoriuum opus non valens implere Concil. Tribur. cum illa, frater vero ejus suadente diabolo, adamata ab ipsa, elanculum eam humiliaverit, & vio- latam reddiderit, omni modo separantur, & à neu- tro alterius eadem mulier contingatur.* Igitur con- jugium, quod erat legitimum, fraternali communica- latione est pollutum; & quod erat licitum, illici- tum est factum, ut Hieronymus ait: *Mulier duo- rum fratrum non ascendat thorum; si autem ad- scendit, adulterium perpetravit.* Quia vero hu- mana fragilitas priuor est ad labendum, aliquo modo muniatur ad standum: idcirco Episcopus considerata mentis eorum imbecillitate, post paenitentiam suâ constitutione peractam, si se continere non possint, legitimè consoletur matrimonio: ne dum sperant ad alta sibi levare, corruant in ce- num. Ex quibus verbis deducitur, dissolvi ma- trimonium propter affinitatem supervenientem, & conjuges si se continere non possint, legitimè consolari posse matrimonio. Igitur quia licet incestuofis aliud legitimum matrimonium contrahere. Pro cuius difficultatis solutione dicendum est, quod licet superveniente affinitate con- jux, quæ incestum, adulteriumque commisit, non possit petere debitum à conjugi, nec conjux sciens impedimentum possit amplius cum conjugi commisceri, cap. discretionem 6. cap. 8. hoc tuul. tamen peracta paenitentia si se continere non possint, ex misericordia potest Episcopus cum eis dispensare, ut ad invicem conjugantur, ut supra probavi; de qua dispensatione accipien- dus est dictus canon 41. ut videlicet peracta paenitentia, si se conjuges continere non possint, legiti- mo matrimonio consolentur, id est antiquo matrimonio legitimè contracto utantur, cuius usus sequestratus erat ob affinitatem supervenientem; & ita illa verba, legitimè matrimonio, non referas ad novum, sive secundum conjugium, sed ad primum, & antiquum.

Q. 2

TITU-